


福州府志

地
315.11
134

地318.11
134.1
140



福州府誌序



旅陶以為器弗精其
模不可得而市也輪
軋以為輿弗納於軌
不可得而驅也守相
以為民師帥不慎持
其樞鑰不可得而整
齊也賢守易直子諒
臣宅心而制度損益
復綜核載籍圭臬前
賢因以筆之於書昭
法程而垂典則斯則

所謂有綱紀文章者
矣夫圖志之作自古
重之周禮大司徒掌
土地之噐以辨物生施
政教而職方氏按圖
辨地周知財用穀畜

數要使同貫利推之
鄉遂縣鄙簡兵教稼
於是乎詳興事擾民
於是乎集然則外史
所掌四方之志蓋厝
注之權輿弛張之鈐

鍵雖大小繁簡各殊
要皆長吏才力精神
所為彷徨而周浹者
也如徒以名邦勝蹟
採撫英華有裨掌
故其視紀載為已淺
矣福建於周為七閩
地處閩中自無諸建
國風氣至唐而開至
宋明而盛海濱邠魯
之稱有自來矣

聖天子仁澤涵濡聲靈旁

閩地數千里名城
大都拱護東南而省
會則節使軍府駐轅
之地所以控制上下
游者也余恭膺

簡命

總制浙閩次第規畫

福州府志

序

四

丙子年補刻

之餘目得考所屬政
績顧恒謂治省郡與
外郡殊治福州與他
省郡又殊何者分省
畫疆勢取居中鎮外
而福州層巒巨浸在

在皆邊地要衝所屬
介山海之間民無蓋
藏仰給上游溪峒叢
深易動以肆闖闖間
利而巧文而不慚故
為守者撻馭教養恒

什倍其心力以求濟而
又一城之中戎行商販
之所參錯鹽筴軍儲
之所屯貯朝貢舩舶
之所往來徵調轉輸
之所總匯章程不立

則奸宄益滋令甲不
韋則觀聽易惑此太
守徐君勤勤於郡志
之脩輯殆亦樞鑰在
心而參求所以整齊
之法者歟我

國家

列聖相承幅帟廣袤開闢未

有邇年恭遇

大清一統志告成出自

內府賚及羣工周書王

會之篇唐人職貢之

啗不足方其盛矣顧郡
志亦有不可廢者蓋紀
載典章朝廷職要郡國
職詳邦域既分統轄攸
屬按志而核之其間版
籍戶口賦額百由登耗

坊庸對藝農功所由廢
興服用儀節習尚所由
淳漓方物懋遷食貨所
由贏絀以及名卿碩士鍾
靈過化之區廣谷大川
設戍安屯之所莫不條

分縷析較若列眉為
政者補偏救弊於以成
其禮俗登之仁壽馴彼
驕悍而烝我秀髦不獨
宏綱鉅典衣被前光即
邨墟之遺事田叟之風

謠一話一言皆黃堂聽治
所日懸其格式律令者
也詎但稽圖數典無訾
其闕遺乎哉夫志者德
也誌古以範今誌今以垂
後也太守居表率之地

能自別利器於十屬中
對之風聲則自茲以往
直如陶之運鈎輿之轉
軸推移變化而無乎不
利由此志也以希踪前
朝賢守嚴虞程蔡何

多讓焉余嘉是書克
成有裨政治而足垂久
遠因著其大指若此至於
排纂體例紀述源流博
奧詳明太守天祿石渠
之彥珥筆優為之不待

贅矣是為序

太子太保兵部尚書兼

都察院右都御史總

督福建浙江等處地

方軍務兼理糧餉世

襲騎都尉長白喀爾



福州府志

序

十

丙子年補刻

吉善謨



福州府志序

國家

列聖相承覆育四海沐日浴月之鄉莫不
涵濡聲教彙合車書幅員之
廣古今未有乾隆十六年

頒行大清一統志三百五十六卷繡

壤綠字職方所紀載固足

彪炳萬世矣歲辛未余自

豫移撫閩疆甫下車知福

州府事徐景熹即以脩府

志為請維七閩介在島夷

囂夷之間至三國吳時始

通中國其俗好義而尚文
在昔已然自楊龜山得伊
川之道而南而羅李繼之
其後子朱子產於崇安倡
明聖學一時薰其德教
皆知以孔孟為依歸此海

濱鄒魯之稱所由來也福州
為省會之地統志所載辭
嚴義扶舉其大綱即福
建通志羅列全省十郡其
節目之間有未備則郡志
之脩誠不可已矣願福州郡

志之脩其記載有宜異於地
志者數端凡居民材用必曰
其地所謂廣谷大川異制民
生其間者異俗為治者不可
不辨也福郡負山帶海生齒
繁庶無不壑之地無不耕之民

而終歲民食常仰資於上游
各郡至於商賈負販百貨則
皆來自海洋自制府高文良
公請開海禁每年商舶冬
出夏歸十餘年以來百物流
通市集充牣米穀之至自外

洋者歲不下百十萬而臺灣
一郡地土肥美多產米穀不
獨下游列郡全資臺米即
福郡各屬亦不無利賴焉議
者憲及米糧出洋輒為厲禁
殊不知外洋本不缺米方且

運載內地焉有臺米反出外
洋之理若臺灣有米不令就
近接濟內地則必遠販他省
矣乃閩地民食計近則資於
臺灣遠則資於外洋以流
通為接濟寓防範於安集福

郡為然下游列郡尤為切要
按之地勢民情利弊昭著惟是
官以遷次而難得久任法以經
時而昧其本來今徐君於海口
要隘開洋招未並悉載入志內
庶後之有心者得以按籍而稽

權其利弊輕重而不為俗說
所惑此他郡志之所無而福州
府志之所首重者也自來治
閩者胥以習俗強悍鬪狠為
患而以余觀之其士夫有力者
皆知急公尚義梟害不倦遇

橋梁道路及貢院考棚凡有
興作不惜傾資以成其事其
士子向學者皆知秉禮度義
比戶絃歌於理學之薪傳常
思有以繼續之而留心經術其
著撰六復甚富即福州一郡

而言幾及數百種此非其習
俗之美乎夫芳草宜剪嘉禾
固所宜植徐君於其好義之
大者則志之而於撰述之書皆
詳紀其姓氏凡皆以鼓舞其
趨善力學俾知聲教之為